

衢州文獻集成

〔史部〕

第
31
冊

衢州文獻集成

黃靈庚 諸葛慧艷

主編

〔史部〕

31
冊

國家圖書館出版社

(清)楊廷望纂修

「康熙」衢州府志四十卷
(卷一至七)

清光緒八年(1882)重刻本

「康熙」衢州府志四十卷 提要

清楊廷望纂修。廷望字競如，江南武進人，康熙四十五年任衢州知府。此本爲光緒八年重刊本，卷端題「武進楊競如先生重修本，知府安陸劉國光重刊」。衢州舊志，自天啓葉氏修志、崇禎丁氏增補，至康熙後期已歷百餘年。競如守衢，有續輯之思，「乃集衢之紳士，次第參酌，微顯闡幽，仿史遷遺意，有紀、有傳、有表、有志、有圖，凡爲書若干卷。其於舊志少有增損，要之闕疑傳信，校訛訂謬，期於盡善。自沿革、建制、官師、人物、賦役、水利，以至農桑、物產、文藝，凡以類。」此志凡四十卷，實則有圖、表、考、傳各十卷，而無紀，其圖分類十五，表分類十一，考分類十七，傳分類十九。卷首有聯綬、劉國光重刊序二，有楊廷望、馬遴原序二，有重刊銜名和總目。較之舊志，「康熙」《府志》不僅新增清了順治、康熙年間的大量內容，且其圖、表頗有創意，遂使此志圖文並茂、條分縷析。此志修成於康熙四十八年楊氏任內，五十年始刊刻。四十八年、四十九年，馬遴、金玉衡先後知衢州府，遂有康熙四十九年馬遴序。光緒重刊本因缺葉未有補正，遂誤將金玉衡序改爲馬遴撰。劉國光重刊時，康熙刊本已

非完帙，存版僅十之二，「再三查訪，獲舊本二三部，互相展閱，字畫半多漫漶，葉數亦多殘缺」。光緒重刊本對原本缺葉未能補正，仍殘缺嚴重，此本缺葉共四十八處，近二百葉。此書據清光緒八年重刻本影印。

第三冊目錄

〔康熙〕衢州府志四十卷（卷一至七）

（清）楊廷望纂修

清光緒八年（1882）重刻本

.....

重刊衢州府志序

唐宰相李吉甫撰元和郡縣志其進書表曰古今言地理者凡數十家尙古遠者或搜古而略今採謠俗者或傳疑而失實飾州邦而叙人物因邱墓而徵鬼神流於異端莫切根要至於邱壤山川攻守利害本於地理者皆略而不書將何以佐明王扼天下之吭制羣生之命收地保勢勝之利示形東壤制之端此微臣之所以研精聖后之所宜周覽也由此論之地志之作難言之矣三衢踞東浙之上游控鄱陽之肘

腋扼甌閩之咽喉連宣歙之聲勢東南有事在所必
爭辛壬年間粵匪竄浙州郡盡陷唯衢城屹然獨存
湘鄉左靖慤侯由此進兵勢如破竹雖運籌之善亦
半由得地利也官此土者苟有意於此則必流覽舊
志衢州自前明葉大叅纂志後百二十餘年無作者
至康熙辛卯郡守楊君始修其書今又重經兵燹書
缺有閒矣去年秋予銜

命來巡是邦下車以後默覽山川隘塞備稽輿地沿革隱
然有修志之心而未及言焉今郡守安陸劉君以所

重刊楊志問序於予予取而覽之見其辨疆界圖山川考因革論要害計道路險易遠近瞭若指掌李吉甫所謂扼天下之吭制羣生之命收地保勢勝之利示形束壤制之端者意在斯乎其他各類皆根據切實詳簡得宜較諸搜古略今傳疑失實飾州邦而敘人物因邱墓而徵鬼神者亦有閒矣洵地志之善本也雖然自康熙至今又歷百數十年矣此百數十年中山塞有昔險而今平昔衝而今僻者水流有昔通而今湮昔長而今促者以及土田之變遷學校之興

廢制度之增損與夫粵匪之難官師士女有捐軀授命而不惜者皆當詳考遐搜補輯而類誌之劉君博學負經濟才他日必有成書以備此邦之掌故予拭目俟之

光緒八年太歲在元默敦牂孟夏之月二品廕生花翎三品銜分巡浙江金衢嚴道兼管水利事務聯綬撰

重刊衢州府志序

夫物將缺而彌則易全緒將殘而延則莫墜推之典籍之舉廢何莫不然庚辰冬余由閩汀移調來衢衢爲東浙上游郡屬隸五邑地當數省孔道南接建甯北鄰黟歙西連饒信東近金華徑輪廣袤極千里而遙惴惴焉以不克稱職爲虞下車伊始徵文考獻詢及郡志則自大叅葉公纂修百二十餘年後康熙辛卯復經楊競如前輩重修今又百有數十年矣無有繼焉者存板僅十之一二再三查訪獲舊本二三部互相展閱字畫半多漫漶頁數亦多殘缺

竊以修志猶修史史有三長才學識無偏廢居今稽古蒐求討論秉筆之餘出以碩見持以至論非此不免魏收之譏志乘所傳夫豈易易前之人或剋或因著有成書不知費幾經營久之方策剝蝕又散佚於風霜兵燹而零金碎玉遺帙猶有存者抱殘守缺補帷塞漏校讐彙刊之役守土者復何敢辭爰於公餘暇重加攷据並集寮友數人交相對勘或借證於他書或意會而訢合至無可借證無可意會則闕疑莫敢臆斷卷凡四十類六十有奇籌款重刊五閱月旣葢其事刷印一觀哀然新編當日楊公初成時

夫何異是顧天時物理更迭日殊土俗民風積久日異計
自康熙辛卯至今多歷年所其間節孝之可風忠義之可
欽人物冠裳之可美豈伊乏人兼以咸豐同治間逆匪擾
境雖郡城無恙而屬邑致陷鄉閭蹂躪所有殉難捐軀待
採訪而備紀載異日增修補入守土之責固不容已而衆
擎易舉不能不厚望於郡人士今茲之役亦聊幸構室之
有基云爾

光緒八年歲在壬午仲春之月在任儘先補用道知衢州
府事前京畿道監察御史劉國光撰

原序

今之志乘古之外史也王者欲周知四方之得失因
以外史掌之俾有所記以徵治忽故其職與小史掌
邦國之志者等而未始分軒輊也迨東漢設郡邑之
志而外史缺焉然其志山川土田與民風吏治則亦
猶外史之遺而獻之王朝以備採擇而議興除甚鉅
典也猶憶戊辰己巳間我

皇上詔修統志徧徵十五國之輿書凡此海隅日出之邦
罔不編次鱗集而衢郡無聞蓋衢當閩粵之衝又值

兵燹之餘土瘠而民罷官其地者執掌風塵馳驅王
事一艱於珥筆之無人再艱於燕閑之無暇故自有
西邑大叅葉公增修後厯百二十餘年未有議及此
者職是故也然亡者勿補絕者勿續更數十年而湮
沒殆盡其將奚所取證安所折衷也哉及其後而議
創舉者未必不追咎於今日也丙戌歲予來守是邦
搆其殘編多所缺畧慨然有續輯之思而冗次未逮
越明年丁亥政稍就理乃集衢之紳士次第叅酌微
顯闡幽倣史遷遺意有紀有傳有表有志有圖凡爲

書如千卷其於舊志少有增損要之闕疑傳信校訛
訂謬期於盡善自沿革建制官師人物賦役水利以
至農桑物產文藝凡以類越己丑春告竣乃捐俸庀
材付之剞劂而遽有解組之命余固深幸歸田之有
日而轉恨此書之未終也今幸三韓

馬公蒞止長才宿學美政良猷留心地方與余有同
志焉兼之諸君子委曲贊勸今年秋聿觀厥成而余
心可以欣然自慰矣吾因之有感焉凡服官郡邑必
以民之利弊爲先務乃欲知利弊而不求利弊之源